

Lus Coj Qhia Leej Niam Leej Txiv

txog Kev Pab Cuam Tiv Thaiv Me Nyuam (CPS)



**Kev Saib Xyuas Me
Nyuam Yaus**

**Ces Hauj Lwm Kev
Pab Cuam Me Nyuam
Yaus thiab Tsev Neeg**

Cov Ntsiab Lus

Ncauj Lus	Phab ntawv
Kev Pab Cuam Tiv Thaiv Me Nyuam (CPS) Yog Dab Tsi?.....	2
Kev Tsim Txom thiab Kev Tsis Saib Xyuas Me Nyuam Yog Dab Tsi?.....	2
CPS Hnov Txog Kuv Tau Li Cas?	3
CPS Muaj Txoj Cai Twg Los Mus Ntxig Nug Kuv Tus Me Nyuam?	3
Tub Ceev Xwm Yuav Txuam Nrog Thaum Twg?	4
“Kev Saib Xyuas Tiv Thaiv” Yog Dab Tsi?	5
Yuav Muaj Dab Tsi Tshwm Sim Thaum Kuv Tus Me Nyuam Raug Muab Tso Rau Kev Saib Xyuas Tiv Thaiv?	5
Yuav Muaj Kev Pab Cuam Dab Tsi Rau Kuv Thiab Kuv Tsev Neeg?	6
Ib Hom Kab Kev Tawm Tsam Hloov Tau (ARS) Yog Dab Tsi?	7
Kuv Muaj Txoj Cai Twg Thaum Kuv Raug CPS Nug Xyuas?	8
Kuv Muaj Txoj Cai Twg Yog Tias Kuv Tsis Pom Zoo Nrog Qhov Uas CPS Ua Nrog Kuv Qhov Teeb Meem?	9
Kev Tso Chaw Tawm Ntawm Tsev Yog Dab Tsi?	10
“Kev Xyuas Ntshis” Yog Dab Tsi?	11
Kuv Cov Cai Tam Li Yog Leej Niam Leej Txiv Yog Dab Tsi Thaum Uas Kuv Tus Me Nyuam Raug Tso Rau Kev Saib Xyuas Tawm Ntawm Tsev Lossis Pom Tau Hais Tias Yuav Poob Rau Kev Xyuas Ntshis?.....	11
Kuv Tus Me Nyuam Cov Cai Yog Dab Tsi?	13
Dab Tsi Yog Yam Uas Xav Tseg Ntawm Kuv?	13
Kuv Tuaj Yeem Coj Kuv Tus Me Nyuam Rov Qab Tau Li Cas?	14
Kuv Puas Tsim Nyog Muaj Ib Tug Kws Lijchoj?	15
Kuv Yuav Npaj Rau Lub Neej Yav Tom Ntej Ntawm Kuv Tus Me Nyuam Tau Li Cas?	16
“Kev Xaus Cai Ua Niam Ua Txiv” Yog Dab Tsi?.....	17
Ib Tug Neeg Twg Tuaj Yeem Ua Dab Tsi Yog Tias Muaj Kev Tsis Pom Zoo Nrog Tus Tub Num Zej Tsoom CPS Hais Txog Kev Txiv Txim Siab Teeb Meem?	18
Ib Tug Neeg Twg Tuaj Yeem Tau Txais Xov Xwm Ntau Ntxiv Tau Li Cas?	18
Txoj Cai Kev Tsis Sib Cais	19

Kev Pab Cuam Tiv Thaiv Me Nyuam (CPS) Yog Dab Tsi?

CPS yog ib feem hauv cov dej num ntawm neeg ua hauj lwm hauv Ces Hauj Lwm Kev Pab Cuam Me Nyuam Yaus thiab Tsev Neeg (DCFS) ntawm Hwm Tsav Kev Pab Cuam Zej Tsoom thiab Kev Noj Qab Haus Huv (DSHS). CPS muaj feem xyuam txog ntawm kev tiv thaiv me nyuam txog ntawm kev tsim txom thiab tsis saib xyuas.

Neeg ua hauj lwm CPS raug txoj cai lijchoj hais kom ntxig nug cov lus ceeb toom ntawm kev tsim txom lossis kev tsis saib xyuas me nyuam uas ntxim muaj tseeb.

Kev Tsim Txom Thiab Kev Tsis Saib Xyuas Me Nyuam (CA/N) Yog Dab Tsi?

Nws muaj ntau ntau hom ntawm CA/N:

Kev tsim txom lub cev xam muaj txhuam yam kev raug mob rau tus me nyuam uas tsis yogi b sij huam (txha lov, nqaij doog, kub nyhiab, riam raug thiab lwm yam kev raug mob) lossis txhua yam kev nqis tes ua uas tuaj yeem ua rau puas tsuaj loj heev rau tus me nyuam tab sis hmoov zoo uas tsis tau (tawm tsam rau tus me nyuam nrog riam phom, muab phom hawv me nyuam, lossis lwm yam kev nqis tes ua uas zoo sib xws).

Kev tsim txom raws siab xav xam muaj kev ua rau tus me nyuam mloog zoo li tsis hlub nws lossis zoo li nws phem heev lossis tsis muaj nuj nqis dab tsi (kev tsis saib rau nqi lossis saib tsis taus ib tug me nyuam twg, tsis pub tus me nyuam muaj phooj ywg, muaj npe hu, thiab lwm cov cwj pwm uas zoo sib thooj). Xwm txheej kev ua phem sab hauv los kuj tseem muab xam hais tias yog kev tsim txom raws siab xav rau me nyuam yaus.



Kev tsis saib xyuas kuj yuav xam muaj kev tsis npaj muaj vaj tse nyab xeeb rau nyob, khoom moj, khaub ncaws, lossis kev saib xyuas ntsig txog kev kho mob/kho hniav, thiab ciam me nyuam me nyob ib leeg lossis tso nyob nrog tej tug uas tsis muaj peev xwm saib xyuas tau nws, tsav tsheb thaum qaug dej qaug cawv nrog ib tug me nyuam uas tsis tuaj yeem tswj tau tus kheej nyob rau hauv tsheb, thiab lwm yam. Kev tsis saib xyuas cov me nyuam hlob los kuj tuaj yeem muab xam ua kev tsis saib xyuas.

Kev tsim txom ntsig txog kev sib deev xam muaj kev siv me nyuam yaus rau kev sib deev, siv me nyuam yaus yees duab liab qab, ntxias me nyuam yaus muag cev, lossis lwm yam hauj lwm kev sib deev nrog me nyuam yaus.

Muaj lwm cov kev nqis tes ua uas tuaj yeem muab xav txog cov hom kev tsim txom me nyuam thiab kev tsis saib xyuas thiab, nyob rau txhua qhov teeb meem, nws yuav tsum raug muab los xav hais tias kev noj qab haus huv, kev nyab xeeb, lossis kev noj zoo nyob zoo ntawm tus me nyuam puas raug puas tsuaj lossis muaj kev pheej hmoo rau kev puas tsuaj.

CPS Hnov Txog Kuv Tau Li Cas?

CPS tau txais kev ceeb toom uas qhia hais tias koj cov me nyuam tsis tau txais kev tiv thaiv lossis kev saib xyuas uas lawv xav tau.

Qee leej neeg, xws li kws kho mob, neeg saib mob, xib fwb tom tsev kawm, neeg thoob tswv yim kev pab cuam zej toom, kws paub txog siab neeg,

“

Tus neeg uas ceeb toom mus rau CPS kuj yuav thov kom npog nws lub npe cia tsis pub leej twg paub.

”

kws tshuaj, neeg saib xyuas nruab hnub, neeg kav xwm xyaum saib xyuas me nyuam yaus, neeg ua hauj lwm DSHS, neeg ua hauj lwm hauv Hwm Tsav Saib Xyuas Kev Ua Kom Yog, kws ntsuam xyuas neeg tuag uas zoo tsis thooj ib txwm, thiab cov neeg loj uas nyob nrog tus me nyuam uas raug tsim txom nyhav lossis tsis saib xyuas raug txoj cai lijchoj hais kom ceeb toom kev tsim txom lossis kev tsis saib xyuas uas ntxim muaj tseeb rau CPS lossis rau tub ceev xwm (RCW 26.44.030).

Lwm tus neeg uas ntseeg hais tias ib tug me nyuam tab tom raug tsim txom lossis tsis muaj neeg saib xyuas kuj yuav ceeb toom tus xwm txheej yam ncaj ncees mus rau CPS lossis rau tub ceev xwm. Kev ceeb toom uas txhob txwm hais tsis zoo lossis tsis muaj tseeb yog ib qhov kev ua tsis zoo thiab tuaj yeem raug raug raws cai (RCW 26.44.060(4)). Cov neeg ceeb toom uas muaj cai yuav tau ua lawv qhov kev xa mus ntxiv tsis dhau sij hawm 48 xuab moos thaum uas lawv paub txog ntawm CA/N uas ntxim muaj tseeb.

Tus neeg uas ceeb toom mus rau CPS kuj yuav thov kom npog nws lub npe cia tsis pub leej twg paub.

CPS Muaj Txoj Cai Twg Los Mus Ntxig Nug Kuv Tus Me Nyuam?

Txoj cai lijchoj tso cai rau CPS ceeb toom nrog kev ntxig nug txog ntawm kev tsim txom lossis kev tsis saib xyuas me nyuam uas ntxim muaj tseeb.

Txhawm rau ua kom tiav qhov kev ntxig nug, tub num CPS yuav xav nrog koj thiab koj tus me nyuam tham, thiab tham nrog lwm leej lwm tus uas muaj xov xwm tseem ceeb. CPS muaj txoj cai los mus ntxig nug koj tus me nyuam ua ntej yuav qhia rau koj thiab yam tsis muaj kev tso cai ntawm koj. Me nyuam kuj yuav raug ntxig nug tom tsev kawm, tom chaw zov me nyuam, ntawm tsev, lossis nyob rau ib qho chaw twg uas yooj yim rau tus me nyuam.

Yog tias koj tus me nyuam tau raug ntxig nug los ntawm CPS lawm, lawv yuav qhia rau koj paub tam sim ntawd.

CPS thiab tub ceev xwm kuj tseem muaj cai los mus yees duab ntawm tus me nyuam raws li qhov tsim nyog txhawm rau ua ntaub ua ntawv hais txog tus txheej xwm lub cev ntawm tus me nyuam.

Tom qab qhov kev ntxig nug uas xam muaj qhov kev txheeb xyuas ntawm qhov ruaj thiab kev pheej hmoo hauv tsev neeg rau tus(cov) me nyuam, tus tub num zej tsoom kuj yuav mus saib koj tsev ntxiv mus txhawm rau tham txog cov teeb meem uas koj muaj nrog koj tus me nyuam thiab qhov kev pab uas muaj los mus pab koj ua kom txhua yam nws zoo dua tuaj rau koj thiab koj tsev neeg.

Tub Ceev Xwm Yuav Txuam Nrog Thaum Twg?

Qhov kev ceeb toom ntawm kev tsim txom/kev tsis saib xyuas me nyuam uas ntxim muaj tseeb kuj yuav mus rau CPS lossis mus rau tub ceev xwm cheeb tsam ze los tau. Tub ceev xwm yuav tau qhia rau CPS hais txog kev ceeb toom txhua yam uas lawv tau txais. Neeg ua hauj lwm CPS yuav tau qhia rau tub ceev xwm txog kev ceeb toom txhua yam uas qhia txog kev tuag, kev raug mob lub cev, kev tsim txom fab kev sib deev ntawm tus me nyuam lossis lwm yam kev ua txhaum txoj cai.

Tub ceev xwm kuj yuav tau txuam nrog yog tias nws tsim nyog tso tus me nyuam rau hauv kev saib xyuas tiv thaiv. Tub ceev xwm kuj yuav raug thov kom pab thaum uas tsim nyog txhawj txog kev nyab xeeb ntawm tub num CPS.

Txawm hais tias cov neeg ua hauj lwm CPS thiab tub ceev xwm ua hauj lwm ua ke los lawv yeej yuav nyias muaj nyias kev ntxig nug. Tub ceev xwm ntxig nug kev ua txhaum cai, hos CPS txheeb xyuas tsev neeg.

“
**Tub ceev xwm
 kuj yuav tau
 txuam nrog
 yog tias nws
 tsim nyog tso
 tus me nyuam
 rau hauv kev
 saib xyuas tiv
 thaiv.**
 ”

Txawm tias kev ntaus nqi kev txhaum cai tseem tsis tau tiav los CPS kuj tseem txuam nrog tsev neeg ntxiv mus.

“Kev Saib Xyuas Tiv Thaiv” Yog Dab Tsi?

Thaum muaj xwm ceev, qhov uas pom tau hais tias ib tug me nyuam twg nyob rau qhov muaj kev pheej hmoo ntawm qhov twb yuav muaj kev puas tsuaj lossis twb muaj kev tsim txom lossis kev tsis saib xyuas kiag lawm, tub ceev xwm tuaj yeem tso tus me nyuam rau hauv “kev saib xyuas tiv thaiv” tsis dhau 72 xuab moos (tsis suav hnuv Saturday, Sunday thiab lwm cov hnuv so hauj lwm). Tom qab ntawd kev saib xyuas ntawm tus me nyuam yuav raug muab hloov mus rau CPS uas tuaj yeem tso tus me nyuam nyob nrog tej txheeb ze lossis tsev tu me nyuam raug cai los tau.



Ib lub rooj hais plaub yuav teeb tsa tsis dhau 72 xuab moos (tsis xam hnuv Saturday, Sunday thiab cov hnuv so hauj lwm) ntawm lub sij hawm uas tus me nyuam raug muab tso rau hauv kev saib xyuas.

Yuav Muaj DabTsi Tshwm Sim Thaum Kuv Tus Me Nyuam Raug Muab Tso Rau Kev Saib Xyuas Tiv Thaiv?

Thaum koj tus me nyuam raug tso rau kev saib xyuas tiv thaiv lawm, lawv yuav sau ntawv qhia rau koj sai npaum li sai tau. Koj yuav tau txais ib daim foos uas rau koj hais tias thaum twg thiab vim li cas koj tus me nyuam thiaj raug tso rau kev saib xyuas tiv thaiv. Koj tseem yuav tau txais lub npe thiab tus xov tooj ntawm tus tub num CPS thiab/lossis chaw ua hauj lwm uas koj tuaj yeem tau txais xov xwm ntau ntxiv. Lawv yuav qhia rau koj paub tias thaum twg thiab qhov chaw twg uas yuav teeb tsa lub rooj lus txog kev saib xyuas chaw nyob thiab koj yuav tau txais ib tug kws lijchoj uas tsev hais plaub ua tus xaiv.

Nyob rau ntawm lub Rooj Lus Kev Saib Xyuas Chaw Nyob, koj muaj caij nyoog zoo los mus qhia lub tsev hais plaub hais tias vim li cas koj tus me nyuam thiaj li tsis tsim nyog tawm ntawm koj lub tsev. Yog tias tus neeg txiav txim lossis tus neeg tshawb xyuas pom zoo nrog koj ces koj tus me nyuam yuav tau rov qab.

Yog tias koj lub rooj lus tshwm sim ua ntej lub rooj tshawb xyuas plaub ntug, koj muaj txoj cai los mus muaj kev txiav txim siab ntawm tsev hais

plaub tshawb xyuas plaub ntug uas raug ntsuam xyuas los ntawm ib tug kws txiav txim plaub ntug txheej siab. Xav kom tau txais qhov kev ntsuam xyuas ntawd, koj yuav tsum tau xa ib daim ntawv thov ntsuam xyuas dua nrog lub tsev hais plaub tsis dhau 10 hnuv ntawm hnuv nkag rau kev txiav txim siab ntawm lub rooj tshawb xyuas plaub ntug.

DCFS kuj yuav txiav txim hais tias tsis tsim nyog muaj qhov kev taug cai plaub ntug txawm tias tom qab uas tub ceev xwm twb muaj kev saib xyuas tiv thaiv lawm. Nyob rau cov teeb meem zoo lo no, koj kuj yuav raug thov kom kos npe rau ib daim ntawv pom zoo tso chaw nrog kev txaus siab kom muaj txog ntua thaum uas daws tau cov teeb meem lawm. Lossis koj tus(cov) me nyuam kuj yuav raug xa rov qab rau koj nrog kev pab cuam nyob rau hauv koj tsev.

Yuav Muaj Kev Pab Cuam Dab Tsi Rau Kuv Thiab Kuv Tsev Neeg?

DSHS muaj ntau yam kev pab cuam txhawm rau daws cov teeb meem. Qee cov kev pab cuam yog DSHS ua tus muab kiag, thiab lwm cov yog lub zos muab. Cov kev pab cuam ntawm CPS yog muab pub dawb thiab tsis hais txog nyiaj tau los li. Li cas los xij, yog tias koj tsev neeg raug xa mus rau lwm lub koom haum uas yuav nqi pab cuam, koj kuj yuav tau them tus nqi ntawd. Kev pab cuam tawm ntawm tsev xws li kev saib xyuas kev tu me nyuam muaj cov nqi uas koj yuav tau them.

Ntawm nov yog qee yam kev pab cuam uas tub num CPS yuav muaj peev xeem pab koj tsev neeg: (Tsis yog txhua leej ntawm cov no yuav muaj nyob rau txhua qhov chaw.)

- Kev pab fab vajtse/khaub ncaws/nyiaj txiag tsawg
- Kev pab cuam fab kev noj qab haus huv/kev kho mob/kev kho hniav
- Kev pab cuam Pab Txhawb Vajtse
- Kev saib xyuas me nyuam
- Kev pab cuam hauj lwm ua

“
**Cov kev pab
 cuam ntawm
 CPS yog
 muab pub
 dawb thiab
 tsis hais txog
 nyiaj tau
 los li.**
 ”

- Chav tu me nyuam
- Kev pab cuam fab kev npaj hauv tsev neeg
- Kev xa mus los
- Kev pab cuam Mob Nkeeg Puas Hlwb
- Kev thoob tswv yim hauv tsev neeg thiab kev sib yuav
- Txhab mov
- Kev pab cuam fab kev cai lijchoj
- Cov phiaj xwm pab txog kev tsim txom fab tshuaj muaj yees thiab dej cawv
- Kev pab raws kev txaus siab: cov neeg pab leej niam leej txiv, Niam thiab Txiv Zais
- Phiaj xwm pab txog Kev Ua Txhaum Sab Hauv/Kev Rhuav Tshem Lub Cev

Ib Hom Kab Kev Tawm Tsam Hloov Tau (ARS) Yog Dab Tsi?

Nyob hauv Xeev Washington, cov kev ceeb toom ntawm CPS yuav raug muab los ntaus nqi uas siv hom Txheeb Xyuas Kev Pheej Hmoo. Yog tias cov xov xwm uas muab mus rau tus tub num txais nkag qhia txog ib theem qis qis ntawm kev pheej hmoo rau koj tus me nyuam xwb ces koj qhov teeb meem yuav raug muab xa mus rau ib lub koom haum sab nrauv uas cog lus nrog CPS hais tias yuav muab kev pab cuam txhawb nqa tshwj xeeb los mus pab koj tsim ib hom kev pab ncig koj tus kheej thiab koj tus me nyuam uas yuav ntseeg tau kev tiv thaiv koj tus me nyuam thiab lwm hom kev pab txhawb rau koj.

Kev koom nrog tus pab cuam ARS yog kev txaus siab, thiab koj kuj yuav tsis lees yuav cov kev pab cuam los muaj. Li cas los xij, cov neeg pab cuam no ib txwm tuaj yeem pab tau koj kom tau txais cov kev pab cuam uas yuav pab koj thiab koj cov me nyuam kom muaj kev zoo siab dua tuaj thiab yooj yim dua tuaj. Peb ntseeg hais tias, yog tias koj muaj hom kev

pab txhawb uas koj xav tau nyob rau hauv lub zos, koj yuav tsis tau dhau los ua ib tug neeg thov kev pab ntawm CPS.

Kuv Muaj Txoj Cai Twg Thaum Kuv Raug CPS Nug Xyuas?

Thaum uas hauv hwm tsav lawv ua tiav kev ceeb toom txog kev nug xyuas ntawm kev tsim txom lossis kev tsis saib xyuas ib tug me nyuam raws li tshooj 26.44 RCW lawm ces hwm tsav lawv yuav tsum tau qhia rau tus(cov) ua txhaum cai uas raug iab liam txog ntawm qhov kev ceeb toom thiab cov kev tshawb pom raws kev nug xyuas ntawm hwm tsav. Qhov kev qhia paub yog muab xa raws kev xa ntawv uas muaj kev lees paub tib si mus rau tus neeg qhov chaw nyob uas paub tom qab kawg nkaus.

Muaj peb qho kev tshawb pom uas ntxim yuav muaj tau. Tshawb pom txhais tau hais tias tus tub num nug xyuas tau tshawb pom xov xwm txaus uas ntxim yuav muaj kev tsim txom lossis kev tsis saib xyuas uas tau iab liam ntawd tiag. Tshawb tsis pom txhais tau hais tias tus tub num nug xyuas tau tshawb pom cov xov xwm uas zoo li tsis ntxim yuav yog muaj kev tsim txom lossis kev tsis saib xyuas uas iab liam ntawd tshwm sim. Tsis paub qhov tseeb txhais tau hais tias tus tub num nug xyuas tsis tuaj yeem txiav txim tau hais tias qhov kev tsim txom lossis kev tsis saib xyuas uas iab liam ntawd tshwm sim muaj tiag los tsis muaj.

Yog tias koj raug rau npe ua daim ntawv ceeb toom shawb pom txog ntawm kev tsim txom lossis kev tsis saib xyuas me nyuam, koj muaj txoj cai nrhiav kev ntsuam xyuas dua thiab kev hloov kho ntawm qhov kev tshawb pom. Tsis dhau nees nkaum (20) hnuv tom qab uas tau txais daim ntawv ceeb toom los ntawm hwm tsav koj kuj yuav thov kom hwm tsav ntsuam xyuas qhov kev tshawb pom dua. Qhov kev thov yuav tsum sau ua ntaub ua ntawv. Yog tias koj xa tsis tau koj daim koj daim ntawv thov nyob rau lub sij hawm no, koj kuj yuav tsis tau sib tw txog kev tshawb pom mus ntxiv, thiab koj yuav tsis muaj cai dab tsi nyob rau lub rooj txiav txim plaub ntug lossis rau kev rov ntsuam xyuas kev txiav txim ntawm qhov kev tshawb pom ntawd.

Thaum tau txais daim ntawv thov kom rov ntsuam xyuas, hwm tsav yuav rov ntsuam xyuas dua thiab, yog tias tsim nyog, yuav hloov qhov kev tshawb pom. Cov neeg ua hauj lwm cheeb tsam muaj kev feem xyuam rau kev rov ntsuam xyuas. Thaum uas tiav kev rov ntsuam xyuas lawm,

hwm tsav yuav sau ntawv ceeb toom rau koj txog ntawm kev txiav txim hauv hwm tsav. Tsab ceeb toom yog xa raws kev xa ntawv uas muaj kev lees paub mus rau koj qhov chaw nyob uas paub tom qab kawg nkaus.

Yog tias, qhov kev rov ntsuam xyuas ntawm koom haum txuas ntxiv mus no, daim ntawv ceeb toom tseem muaj qhov hais tias tshawb pom, koj kuj yuav thov ib lub rooj txiav txim los mus sib tw qhov kev tshawb pom. Daim ntawv thov lub rooj txiav txim yuav tsum xa nyob rau lub sij hawm tsis dhau 30 hnuv tom qab tau txais tsab ceeb toom kev txiav txim kev rov ntsuam xyuas hauv koom haum. Yog tias koj tsis tau xa koj daim ntawv thov lub rooj txiav txim nyob lub sij uas hais los no, koj kuj yuav tsis tau sib tw qhov kev tshawb pom mus ntxiv, thiab koj yuav tsis muaj cai dab tsi rau kev rov ntsuam xyuas ntawm koom haum lossis kev rov ntsuam xyuas kev txiav txim txog ntawm kev tshawb pom ntxiv lawm.

Kuv Muaj Txoj Cai Twg Yog Tias Kuv Tsis Pom Zoo Nrog Qhov Uas CPS Ua Nrog Kuv Qhov Teeb Meem?

Ib qhov kev txhawj xeeb theem pib ntawm CPS yog ua kom ntseeg tau hais tias txhua tus neeg uas muaj lus nrog lub koom haum tau txais kev ncaj ncees thiab muaj kev hawm. Vim li ntawd, peb thiaj muaj Txoj Cai thiab Tus Txheej Txheem Ntos Txog Kev Tsis Txaus Siab ntawm Pej Xeem thiab ib phau ntawv qhia tshwj xeeb uas qhia txog lub tswv yim txhawm kom thiaj tau hais tawm kev tsis txaus siab lub paus rau lub ntsis, ncaj ncees thiab raws sij hawm. Kev txhawj xeeb txog txoj kev uas koj qhov teeb meem raug muab los daws tuaj yeem yog muab los ntawm koj, koj tus me nyuam, ib tug neeg hauv tsev neeg, los ntawm ib tug kws txawj hauv zos, lossis los ntawm ib tug twg uas muaj kev paub txog qhov xwm txheej ntawd.

Yog tias koj muaj ib qho kev tsis txaus siab lossis kev txhawj xeeb txog txoj kev uas koj qhov teeb meem uas twb raug daws lawm lossis tab tab tom daws los ntawm CPS, koj yuav tsum xub piav qhia koj qhov kev txhawj xeeb rau koj tus tub num zej tsoom uas tau xaiv tseg. Yog tias qhov ntawd daws tsis tau qhov teeb meem ces koj tuaj yeem tiv tauj ncaj nraim rau tus tub num tus thawj saib xyuas. Yog tias tus thawj saib xyuas tsis tuaj yeem daws tau cov teeb meem, ces koj tuaj yeem tiv tauj rau Tus Saib Xyuas Cheeb Tsam thiab tom qab ntawd ces yog mus rau Tus Saib Xyuas Ntawm Suam Teb Chaws. Koj kuj yuav tiv tauj rau lub Chaw Ua Hauj

Lwm Kev Sib Raug Zoo Pej Xeem (Office of Constituent Relations) ntawm 1-800-723-4831 txog ntawm kev pab daws teeb meem txhua sij hawm.

Txhua leej kuj tuaj yeem xa lust sis txaus siab mus rau lub Chaw Ua Hauj Lwm ntawm Tus Kav Xwm Ntsuam Xyuas Lus Tsis Txaus Siab Ntawm Tsev Neeg thiab Me Nyuam Yaus (Office of the Family and Children Ombudsman) ntawm 1-800-571-7321 uas yog ib lub koom haum uas tsis nkag rau DSHS thiab muaj cai nug xyuas txhua yam kev txhawj xeeb hais txog cov kev sib foob txog ntawm Kev Saib Xyuas Me Nyuam Yaus uas tau los ntawm ib tug pej xeem twg hauv Xeev Washington. Tus Kav Xwm Ntsuam Xyuas Lus Tsis Txaus Siab ib txwm xav tseg hais tias txheej txheem daws teeb meem kev tsis txaus siab sab hauv yuav muab siv ua ntej lub chaw ua hauj lwm ntawd yuav los txuam nrog.

Kev Tso Chaw Tawm Ntawm Tsev Yog Dab Tsi?

Yuav luag txhua lub sij hawm cov me nyuam uas raug muab ceeb toom mus rau CPS kuj tsis raug tshem tawm ntawm lawv lub tsev. Cov me nyuam uas raug muab tso rau ib qho tawm ntawm lawv niam lawv txiv tsuas yog thaum uas nws tsim nyog tiv thaiv lawv kom txhob muaj kev puas tsuaj nyob rau lub sij hawm ntawd lossis tsis pub muaj kev tsim txom lossis kev tsis saib xyuas txuas ntxiv mus.

Ib tug txheeb ze uas tsim nyog yogi b qho chaw uas zoo dua rau tus me nyuam. Yog tias tsis muaj txheeb ze uas tsim nyog, yuav muab tus me nyuam tso rau ib lub tsev tu me nyuam uas raug cai. Niam qhuav txiv qhuav pab kev saib xyuas tus me nyuam txhua hnuv thiab tau txais nyiaj them rov qab txhua hli kom pab duav tau tus nqi saib xyuas tus me nyuam. Tus tub num zej tsoom uas raug txib ua tus saib xyuas tus me nyuam thiab niam qhuav txiv qhuav thaum uas tus me nyuam raug muab tso chaw.

Qee leej me nyuam uas muaj teeb meem loj heev uas lawv tsis tuaj yeem nyob rau hauv ib yim neeg twg. Cov me nyuam no kuj yuav muab tso rau ib lub tsev pab pawg lossis tso rau hauv chaw kho neeg. Kev teeb tsa yuav muab ua kom zoo dua los mus pab rau tus me nyuam uas muaj teeb meem loj lossis muaj teeb meem mob nkeeg puas hlwb.

“
Qee leej me nyuam uas muaj teeb meem loj heev uas lawv tsis tuaj yeem nyob rau hauv ib yim neeg twg.”

“Kev Xyuas Ntshis” Yog Dab Tsi?

Nyob rau cov teeb meem loj heev, hwm tsav lossis ib tug neeg twg kuj yuav xa ib daim ntawv thov kev pab nrog lub tsev hais plaub hais tias ib tug me nyuam:

- raug muab tso pov tseg;
- raug tsim txom lossis raug tsis saib xyuas;
- tsis muaj niam/txiv, tus saib xyuas, lossis tus neeg nrog nyob uas tuaj yeem saib xyuas tau tus me nyuam.

Lub tsev hais plaub yuav teeb tsa ib lub rooj lus los mus txiav txim hais tias seb ib ntawm cov paus ntsis no yog ua rau nuaj kev xyuas ntshis. Lub tsev hais plaub kuj tseem txiav txim siab hais tias seb tus me nyuam tsim nyog nyob hauv nws tsev los yuav muab tso rau sab nrauv, thiab leej twg yuav yog tus saib xyuas tus me nyuam nyob rau lub sij hawm uas lub tsev hais plaub txuam nrog. Qhov hauj lwm ntawm tsev hais plaub ib vuag no hu ua “kev xyuas ntshis”.



Cov rooj lus rov ntsuam xyuas kev xyuas ntshis yuav muab teeb tsa txhua txhua 6 lub hli kom pom hais tias lub tsev hais plaub npaj tau zoo npaum li cas los mus sau tsev neeg rov los ua ke thiab seb lub tsev hais plaub puas tsim nyog txuam nrog mus ntxiv.

Kuv Cov Cai Tam Li Yog Leej Niam Leej Txiv Yog Dab Tsi Thaum Uas Kuv Tus Me Nyuam Raug Tso Rau Kev Saib Xyuas Tawm Ntawm Tsev Lossis Pom Tau Hais Tias Yuav Poob Rau Kev Xyuas Ntshis?

Leej niam leej txiv muaj qee txoj cai ntxiv tshwj tias lub tsev hais plaub tsis pub muaj.

Yog tias koj tus me nyuam raug tso rau kev saib xyuas tiv thaiv, koj muaj txoj cai tau txais kev ceeb toom raws sij hawm thiab paub txog hais tias vim li cas tus me nyuam thiaj raug tso li cas rau li cas.

Yog tias koj tus me nyuam raug tso tawm ntawm tsev (kev saib xyuas ntawm niam qhuav txiv qhuav, tsev pawg neeg, lossis chaw koom haum), koj muaj txoj cai mus saib tus me nyuam, tshwj tias lub tsev hais plaub

tsis pub ua li ntawd. Lus hais tseg ntawm tsev hais plaub yuav ib txwm txiav txim txog ntawm cov kev mus saib hais tias yuav mus heev npaum li cas thiab mus rau qhov chaw twg.

Koj yeej ib txwm nug tau txhua qhov kev txiav txim siab uas muaj ciam ciam lossis tsis pub muaj cai mus saib.

CPS yuav ua txhua yam ntawm nws lub hwj chim kom koj tau paub txog ntawm koj tus me nyuam qhov kev noj qab haus huv thiab kev nthuav dav, kev vam meej tom tsev kawm, thiab tus cwj pwm. Xav kom muaj li no, koj yuav tau ua kom koj tus tub num CPS paub txog ntawm koj tej kev npaj hauv lub neej.

Koj muaj txoj cai los mus paub txog yam uas xav tseg txhawm kom tau koj tus me nyuam rov qab mus tsev tom qab kev tso tawm ntawm tsev.

Koj muaj txoj sab laj thaum uas muaj kev xav txog qhov hloov hauv qhov kev npaj uas yuav muaj qhov hloov rau koj lossis koj tus me nyuam.

Koj muaj txoj cai tau txais kev pab thiab/lossis kev thoob tswv yim txog tej teeb meem uas xav muab daws kom tag mus.

Koj muaj txoj cai tau txais kev ceeb toom ua ntej thiab koom nrog cov rooj lus plaub ntug hais txog koj tus me nyuam lossis muaj qhov hloov rau koj cov cai ntawm niam thiab txiv (tshwj tias lub tsev hais plaub nqis tes ua thaum muaj xwm ceev).

Koj muaj txoj cai thov ib lub rooj lus plaub ntug kev saib xyuas chaw nyob thaum uas koj tsis muaj peev xwm koom tau lub rooj lus 72 xuab moos.

Koj muaj cai tau txais kev txiav txim siab rau txhua lub rooj lus nkaus xwb saum pov thawj uas nthuav tawm ntawm lub rooj lus uas muaj ib tug kws txiav txim plaub ntug ncaj ncees.

Koj muaj cai muaj lwm tus kws lijchoj thaum uas muaj kev thaum cai plaub ntug txuam nrog. Yog tias koj tsis tuaj yeem ntiav tau ib tug kws lijchoj, koj tus tub num CPS yuav muab xov xwm uas qhia txog kev yuav tau txais ib tug kws lijchoj uas yog lub tsev hais plaub ua tus muab los.

“

**Koj muaj txoj
cai tau txais
kev pab thiab/
lossis kev
thoob tswv
yim txog tej
teeb meem
uas xav muab
daws kom
tag mus.**

”

Txhua tus neeg thov kev pab muaj cai muaj cov kev pab cuam uas muab ua yam lus uas lawm nyiam dua thiab nyob rau tus xeeb ceem raws kev cai ntawm haiv neeg.

Kuv Tus Me Nyuam Cov Cai Yog Dab Tsi?

Koj tus me nyuam muaj cai thiab. Xam muaj:

- Txoj cai rau khoom noj, chaw nyob thiab khaub ncaws hnav uas tau raws li qhov nws xav tau.
- Txoj cai rau kev tiv thaiv thiab kev ywj pheej los ntawm kev puas tsuaj, kev ua phem, kev txaus ntshai, kev raug mob, thiab kev tsis saib xyuas.
- Txoj cai rau kev ruaj ntseg raws siab nyiam.
- Txoj cai rau kev saib xyuas kev noj qab haus huv, uas xam muaj kev tshuaj mob thiab kev kho mob, kev kho hniav thiab txhua yam raws siab nyiam.
- Txoj cai tiv thaiv nws cov cai nyob rau txhua tus txheej txheem plaub ntug. Tus neeg uas hu ua tus “neeg saib xyuas tsis paub ua ntej” uas lub tsev hais plaub ua tus muab los mus pab tiv thaiv tus me nyuam cov cai. Qhov nov tshwm sim yog hais tias kev taug plaub ntug ntawm ib yam twg tshwm sim.

Dab Tsi Yog Yam Uas Xav Tseg Ntawm Kuv?

Koj muaj cov kev feem xyuam muaj meej:

- Muab khaub ncaws thiab khoom ntiag tug uas tsim nyog rau koj tus me nyuam (khaub ncaws hnav pw, khoom ua si, lossis lwm yam) los mus pab koj tus me nyuam kom nyob kaj siab yog tias nws raug saib xyuas tawm ntawm tsev.
- Mus saib koj tus me nyuam yam xwm yeem, nyob rau ib lub sij hawm thiab ib thaj chaw twg raws li tau pom zoo nrog cov neeg ua hauj lwm hauv CPS. Yog tias koj mus saib tsis tau raws li teem cia, nws yog koj li kev feem xyuam uas yuav tau qhia rau tus tub num CPS ua ntej.
- Nrog cov neeg ua hauj lwm CPS tsim kev npaj rau koj tus me nyuam lub neej yav tom ntej, xam nrog tej yam uas koj xav ua.

- Daws cov teeb meem uas tau ua rau muaj kev tsim txom lossis kev tsis saib xyuas. Yog tias koj tus tub num CPS thiab/lossis lub tsev hais plaub xa koj mus rau lwm qhov txhawm rau nrhiav kev pab rau qhov teeb meem, koj yuav tsum ua raws qhov kev xa mus ntawd lossis nrog koj tus tub num zej tsoom tham txog yam uas koj txhawj txog.
- Qhia rau tus tub num zej tsoom paub txog tej kev hloov hauv koj lub neej, xws li chaw nyob tshiab lossis xov tooj tshiab, kev hloov txog kev ua hauj lwm, kev sib yuav/kev sib nrauj lossis lwm yam kev hloov uas yuav muaj qhov hloov txog kev npaj rau koj tus me nyuam.
- Tswj kev teem caij nrog cov neeg ua hauj lwm hauv CPS thiab nrog lwm cov neeg pab. Yog tias koj tsis tuaj yeem tswj tau ib qhov kev teem caij twg lossis hloov siab, qhia rau koj tus tub num CPS paub ua ntej.
- Pab muab xov xwm hais txog koj tus me nyuam, xam muaj kev kho mob yav tag los, zwj ceeb tom tsev kawm, lossis lwm yam xov xwm uas yuav muaj qhov hloov txog kev npaj rau koj tus me nyuam.
- Nrog cov neeg ua hauj lwm hauv CPS tham txog koj tus me nyuam qhov kev saib xyuas thiab kev vam meej.
- Pab tus nqi kev pab muab kev saib xyuas rau koj tus me nyuam.

Kuv Tuaj Yeem Coj Kuv Tus Me Nyuam Rov Qab Tau Li Cas?

CPS xav tswj koj tus me nyuam nyob rau hauv tsev yog hais tias nws yuav nyab xeeb rau koj tus me nyuam. CPS yuav tau muab nws tso rau ib qhov chaw tawm ntawm tsev tsuas yog vim hais tias qhov xwm txheej nyob rau hauv tsev tau tsim kev pheej hmoo loj lossis muaj kev txaus ntshai rau koj tus me nyuam. Qhov kev thov txog kev xyuas ntshis, ntawm qhov uas koj tau txais ib daim luam qauv, piav txog qhov uas tus tub num zej tsoom tau xav lawm hais tias tau tso koj tus me nyuam rau kev txaus ntshai. Yog tias koj tsis nkag siab txog qhov uas nws hais ces nug koj tus tub num thiab tus kws lijchoj piav qhia txog daim ntawv thov rau koj. Txhawm kom tau koj tus(cov) me nyuam rov qab rau koj, cov zwj ceeb nyob rau hauv daim ntawv thov yuav tsum raug daws tso.

Cov hau kev uas zoo tshaj plaws los mus ua kom tau qhov no yog:

- Mus koom rau hauv tsev hais plaub txhua zaus uas muaj lub rooj lus hais txog koj tus me nyuam. Yog tias koj tsis mus koom lub rooj lus, tus



**CPS xav tswj
koj tus me
nyuam nyob
rau hauv tsev
yog hais tias
nws yuav
nyab xeeb rau
koj tus me
nyuam.** ”

kws txiav txim plaub ntug yuav muab koj qhov kev tsis mus koom txhais hais tias koj tsis quav ntsej txog yam uas tshwm sim rau koj tus me nyuam.

- Saib lus txib tom tsev hais plaub kom rau nqi. Txhua qhov lus txib los ntawm tsev hais plaub hais txog koj tus(cov) me nyuam yuav muaj ib qhov kev npaj teeb meem nrog yam yuav tsum tau ua tsi ntsees rau koj. Yog tias hais kom koj mus koom cov chav kawm kev saib xyuas kev chim siab lossis kev kho txog kev tsim txom ntawm tshuaj muaj yees, ces ua raws li hais, txawm tias koj xav tias koj tsis tas yuav ua li ntawd los xij. Koj kuj yuav ceeb rau yam uas koj kawm tau txog ntawm koj tus kheej nyob hauv chav kawm lossis kev kho.

- Ua kom nyab xeeb rau koj tus me nyuam thaum rov mus tsev. Qhov nov kuj yuav txhais tau hais tias hais kom qee leej neeg tawm ntawm koj lub tsev mus. Lossis nws kuj yuav txhais tau hais tias kom daws cov teeb meem uas koj muaj. Lossis nws kuj yuav txhais tau hais tias kom txhim kho kev ua neej nyob hauv koj tsev neeg. Lub tsev hais plaub yuav tsis pub koj tus me nyuam rov qab mus tsev txog ntua thaum uas rov qab mus tsev tau yam nyab xeeb lug.

Kuv Puas Tsim Nyog Muaj Ib Tug Kws Lijchoj?

YKoj yeej muaj tau ib tug kws lijchoj nyob rau txhua lub sij hawm uas koj xav tau. Li cas los xij, koj tsis tuaj yeem tau txais ib tug kws lijchoj uas tsev hais plaub ua tus muab tshwj tias tau xa daim ntawv thov kev xyuas ntshis lawm.

Yog tias tau xa ib daim ntawv thov kev xyuas ntshis lawm, koj yuav tsum muaj ib tug kws lijchoj, thiab yog tias koj tsis tuaj yeem ntiav tau ib tug kws lijchoj, lub tsev hais plaub yuav muab ib tug rau koj. Yog tias koj tus me nyuam raug muab tso rau kev saib xyuas tiv thaiv ces tsab ceeb toom uas koj tau txais yuav qhia rau koj paub hais tias yuav thov ib tug rau koj tau li cas. Yog tias koj tsis nkag siab, tiv tauj rau koj tus tub num CPS lossis lub Tsev Hais Plaub Me Nyuam Yaus.

Koj tus kws lijchoj sawv cev rau koj qhov kev hais plaub. Nco ntsoov nrog koj tus kws lijchoj tham ua ntej txhua lub rooj lus kom nws thiaj paub hais tias yuav ua li cas thiaj hais tau tam koj zoo tshaj plaws. Yog tias koj lossis koj tus poj niam/tus txiv tseem tsis tau mus yuav dua ib tug tshiab lossis tsis yog nyias nyob nyias lawm, kuj yuav tau muab lwm cov kws lijchoj rau neb ob leeg.

Koj tus me nyuam kuj yuav muaj ib tug “neeg saib xyuas tshwj xeeb” uas muab los sawv cev rau nws. Tus neeg no kuj yuav xav nrog koj tham. Yog li ntawd, nws thiaj yuav tuaj yeem sawv cev rau koj tus me nyuam tau yog tias koj qhia yam uas koj paub txog ntawm koj tus me nyuam.

Koj tus tub num CPS los kuj yuav muaj ib tug sawv cev tam uas yog ib tug kws lijchoj uas lub Chaw Ua Hauj Lwm Kws Lijchoj Txhua Yam ua tus muab.

Kuv Yuav Npaj Rau Lub Neej Yav Tom Ntej Ntawm Kuv Tus Me Nyuam Tau Li Cas?

Kev muaj ib lub tsev ruaj ntseg yog qhov tseem ceeb heev rau ib tug me nyuam. Yog tias koj tau nyob rau kev pab saib xyuas lossis tshem los ntawm ib tug txheeb ze mus rau ib tug txheeb ze thaum uas koj tseem yog me nyuam yaus, koj yuav tuaj yeem nkag siab tau hais tias qhov no nws tseem ceeb npaum li cas rau ib tug me nyuam.

CPS kuj tseem nkag siab hais tias kev ruaj ntseg tseem ceeb npaum li cas rau ib tug me nyuam. Kev tshem ib tug me nyuam tawm ntawm nws tsev neeg ib txwm yog ib vuag dua xwb. Lub hom phiaj ntawm CPS yog ua kom tag kev tso chaw ib vuag thiab ua kom ntseeg tau hais tias tus me nyuam muaj xwm txheej nyab xeeb hauv nws lub tsev.

Koj tuaj yeem pab koj tus me nyuam los ntawm kev nrog CPS nthuav dav thiab sau kev npaj cia. Qhov kev npaj cia no yuav tsum sau cov teeb meem uas koj thiab CPS twb tau sib tham lawm. Qhov kev npaj cia yuav tsum hais txog yam uas yuav tsum tau ua txhawm kom daws tau cov teeb meem, leej twg yuav ua yam twg, thiab yuav siv sij hawm rau qhov no ntev npaum li cas.



“Kev Xaus Cai Ua Niam Ua Txiv” Yog Dab Tsi?

Kev xaus cai ua niam ua txiv txhais tau hais tias leej niam lossis leej txiv tsis muaj cai lossis kev feem xyuam dab tsi rau tus me nyuam ntxiv lawm. Leej niam lossis leej txiv yuav tsis muaj cai raws kev cai lijchoj mus pom lossis mus saib tus me nyuam, tsis muaj cai rau kev saib xyuas tus me nyuam, tsis muaj cai txiav txim siab txog tus me nyuam lub neej yav tom

“

**Kev xaus cai
ua niam ua
txiv txhais
tau hais tias
leej niam
lossis leej
txiv tsis muaj
cai lossis kev
feem xyuam
dab tsi rau
tus me nyuam
ntxiv lawm.**”

ntej. Lub tsev hais plaub muaj cai txiav txim siab xaus tseg cov cai raws kev cai lijchoj ntawm leej niam lossis leej txiv rau nws tus me nyuam.

Nyob rau qee zaus, leej niam lossis leej txiv kuj yuav tso ib tug me nyuam tseg nrog kev txaus siab cia rau lwm tus coj mus tu ua me nyuam los ntawm kev kos npe hom ntaub ntawv raws cai uas hu ua “Kev Tso Tseg Cai Ua Niam Ua Txiv.” Kev kos npe rau hom ntaub ntawv no yog ib qho teeb meem loj heev uas yuav tau muab ua twb zoo xav thiab sab laj kom txaus nrog tus tub num CPS thiab tus kws lijchoj.

Lub tsev hais plaub kuj yuav xaus cai ua niam ua txiv yam tsis tau txais kev tso cai thaum uas:

- lub tsev hais plaub tau txiav txim hais tias muaj kev xyuas ntshis;
- lub tsev hais plaub tau hais kom muab kev pab cuam los mus kho cov teeb meem uas ua rau muaj kev xyuas ntshis thiab tseem muaj cov teeb meem nyob ntawd;
- koj tus me nyuam raug muab tso rau kev saib xyuas tawm ntawm tsev ntev txog 12 lub hlis, thiab koj tsis muaj kev nce qib txaus kom ua rau koj tus me nyuam rov mus tsev yam nyab xeeb lug nyob rau sij hawm tsis ntev tom ntej;
- cov kev pab cuam uas lub tsev hais plaub hais tseg twb tau ua tiav lawm;
- muaj qhov ntxim yuav ua tau tsawg heev uas yuav txhim txhua yam kom tus me nyuam thiaj tuaj yeem rov qab mus tsev tau; thiab
- kev txuas ntxiv mus ntawm kev sib raug zoo li ntawm leej niam leej txiv thiab tus me nyuam yuav ua rau kev nrhiav ib lub tsev ruaj ntseg rau tus me nyuam nyuaj dua tuaj.

Txhua zaus uas cov cai ua niam ua txiv raug muab xaus mus, tus tub num DCFS yuav tig mus rau kev tso chaw ruaj ntseg rau tus me nyuam.

Ib Tug Neeg Twg Tuaj Yeem Ua Dab Tsi Yog Tias Muaj Kev Tsis Pom Zoo Nrog Tus Tub Num Zej Tsoom CPS Hais Txog Kev Txiaiv Txim Siab Teeb Meem?

Kev sib tham qhib siab nrog cov neeg ua hauj lwm CPS ib txwm tuaj yeem daws tau yuav luag txhua cov kev tsis pom zoo. Li cas los xij, yog tias daws tsis poob cov kev tsis pom zoo nyob rau theem ntawd, txhua leej tuaj yeem nqis tes ua raws txheej txheem lust sis txaus siab uas tau tham ua ntej nyob rau phau ntawv me no.

Yog tias muaj kev xyuas ntshis txuam nrog, leej niam leej txiv thiab cov me nyuam puav leej yuav tsum qhia rau lawv cov kws lijchoj txog ntawm qhov kev tsis pom zoo. Cov neeg ua hauj lwm CPS tseem yuav muab cov xov xwm no rau tus kws lijchoj ntawm hwm tsav.

Yog tias nrhiav tsis tau txoj hau kev daws teeb meem nyob rau cov txheej txheem no, txhua leej kuj yuav tiv tauj rau:

- Chaw Ua Hauj Lwm ntawm Tus Kav Xwm Ntsuam Xyuas Lus Tsis Txaus Siab Ntawm Tsev Neeg thiab Me Nyuam Yaus, ntawm 1-800-571-7321 lossis lub Chaw Ua Hauj Lwm Kev Saib Xyuas Me Nyuam Yaus ntawm Chaw Ua Hauj Lwm Kev Sib Raug Zoo Pej Xeem ntawm 1-800-723-4831 lossis (360) 902-8061.
- Yog tias tus neeg ntawd ntseeg tau hais tias qhov teeb meem ntawd ua rau pom txog kev ua phem ntawm cov cai pej xeem huab hwm, tuaj yeem tiv tauj rau lwm cov koom haum:
- Chaw Ua Hauj Lwm Tuav Cai Pej Xeem Huab Hwm, Hwm Tsav Kev Pab Cuam Kev Noj Qab Haus Huv thiab Tib Neeg hauv Teb Chaws Meskas, 1-800-362-1710; TDD (206) 615-2296.
- Koom Haum Tuav Cai Tib Neeg hauv Xeev Washington; 1-800-605-7324, Seattle; 1-800-233-3247, Olympia; 1-800-662-2755, Yakima.

- Ces Hauj Lwm Kev Muaj Cai thiab Kev Muaj Vaj Huam Sib Luag, Hwm Tsav Kev Pab Cuam Zej Tsoom thiab Kev Noj Qab Haus Huv hauv Xeev Washington; 1-800-521-8060, TDD, 1-800-521-8061.

Txhua txoj cai, txheej txheem, thiab ntawv coj qhia ntawm DCFS yog kev tuav tseg ntawm tsoom fwv thiab tuaj yeem raug rov ntsuam xyuas nyob ib lub chaw ua hauj lwm cheeb tsam twg. Caw hu xov tooj mus ua ntej thiab teem caij kom thiaj muaj cov ntawv coj qhia tam sim no thiab thiaj muaj tus teb cov lus nug.

Cov cai lijchoj, uas hu ua tsab Cai Hloov Kho ntawm Washington (RCW), tuaj yeem tshawb pom nyob rau hauv tshooj ntawv pov thawj ntawm cov tsev cia ntawv loj, los ntawm ib tug kws lijchoj, lossis qee zaus nyob rau ntawm Tsev Hais Plaub hauv Cheeb Nroog. Cov tshooj uas siv rau CPS yog muaj nyob rau hauv Zaj 13.34, 26.44, and 74.13.



Cov neeg uas txuam nrog ncaj nraim rau hauv kev nug xyuas ntawm CPS tuaj yeem ntsuam xyuas lawv cov chaw cia ntaub ntawv los ntawm kev teem caij lossis ntawv thov mus rau lub chaw ua hauj lwm DCFS hauv cheeb tsam. Yuav tsum muab cov xov xwm muaj meej tshem tawm ntawm cov chaw cia ntaub ntawv no ua ntej cov neeg thov kev pab yuav ntsuam xyuas.

Txoj Cai Kev Tsis Sib Cais

Nws yog txoj cai ntawm Kev Saib Xyuas Me Nyuam Yaus uas hais tias tsis muaj leej twg yuav raug muab cais, tshem tawm ntawm kev nkag koom, lossis tsis lees txais cov txiaj ntsim ntawm nws cov phiaj xwm lossis dej num, lossis ntawm nws cov neeg pob hauj lwm, nyob rau kev saib raws haiv neeg, cev nqaij daim tawv, keeb kwm haiv neeg, kev cai dab qhuas, kev ntseeg, poj niam – txiv neej, muaj cuab muaj yig lossis tsis muaj, hnuv nyoog, kev tu-ncua, qub tub rog Nyablaj, qub tub rog uas muaj kev tu-ncua, kev sib fim, fab kev sib deev, lossis kev siv aub coj kev mossis tsiaj pab cuam. Chaw nyob siv tau rau cov neeg uas muaj kev tu-ncua, xam muaj neeg txhais lus thiab cov khoom uas nyob rau hauv cov foos sib hloov, yuav muaj pub raws kev thov.

- Cov neeg thov kev pab uas ntseeg hais tias lawv tau raug muab cais uas tsis mus raws li Kev Saib Xyuas Me Nyuam Yaus kuj tuaj yeem xa ib daim ntawv tsis txaus siab rau ib qho twg ntawm cov koom haum txuas ntxiv mus no:
- Chaw Ua Hauj Lwm Tuav Cai Pej Xeeb Huab Hwm, Hwm Tsav Kev Pab Cuam Kev Noj Qab Haus Huv thiab Tib Neeg hauv Teb Chaws Meskas, 1-800-362-1710; TDD (206) 615-2296.
- Koom Haum Tuav Cai Tib Neeg hauv Xeev Washington; 1-800-605-7324, Seattle; 1-800-233-3247, Olympia; 1-800-662-2755, Yakima.
- Ces Hauj Lwm Kev Muaj Cai thiab Kev Muaj Vaj Huam Sib Luag, Hwm Tsav Kev Pab Cuam Zej Tsoom thiab Kev Noj Qab Haus Huv hauv Xeev Washington; 1-800-521-8060, TDD, 1-800-521-8061.

